



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philippi Labbei Bitvrici Societatis Iesv Presbyteri, Nova Bibliotheca Mss. Librorvm, Sive Specimen Antiquarvm Lectiovm Latinarvm Et Græcarvm

Labbé, Philippe

Parisiis, 1653

Coronis Poetica, quam iure meritißimo nouum Corpus Poëtarum
Christianorum, siue mediæ ætatis appellare poßis.

urn:nbn:de:hbz:466:1-13263



NOVÆ
 BIBLIOTHECÆ
 MSS. LIBRORVM,
 SIVE SPECIMINIS
 ANTIQVAVM LECTIIONVM
 LATINARVM

P. PHILIPPI LABBE SOC. IESV

CORONIS POETICA,

Quam iure meritissimo nouum Corpus Poëtarum Christiano-
 rum, siue mediæ ætatis, appellare possis.

Coronidem nostram Poëticam quatuor similiter in partes, Historicam nimirum seu Chronologicam, Biblicam & Theologicam, Epistolicam quoque, ac Philologicam siue Technicam, visum fuerat initio distinguere: Verum, re melius perpensa, duo duntaxat membra selegimus, vt certo nominatiosque scriptores ab incertis Poëticorum opusculorum Auctoribus seiunctos, quibus facile dignoscere possit.

PRIMA PARS.

Certos Auētores ordine elementario exhibet.



ÆDII Parisiensis Poëma inscriptum Carolinus, &
 in quinque libros diuisum, ad Ludovicum Philippi
 Augusti Franciæ Regis Filium. *Ex codd. mss. illustri-
 simi Franciæ Cancellarii Petri Seguieri, Iacobi Mentelli Do-
 ctoris Medici Parisiensis, & aliorum: Nos fragmenta quædam iam*

edidimus veluti in antecessum Tomo II. nostrorum Miscellaneorum, distincta ab ijs, quæ publicata fuerunt pag. 323. Tomi v. Duchesnianæ Collectionis Historicorum Franciæ.

ALANI de Insulis, Ord. Cisterciensis, cognomento Vniuersalis, de complanctu naturæ Elegia, cui subtexitur oratio numeris soluta. *Ex apographo mss.* Anticlaudianus eiusdem auctoris libris nouem distinctus, ac singulari, vt aiunt festiuitate, lepore, ac elegantia plenus, iam olim editus est Basileæ, apud Henricum Petrum, anno superioris sæculi 36. & Venetijs, Combeis sumptibus anno 1582. Eiusdem de Parabolis librum carmine Elegiaco exaratum, qui Altum Doctrinale inscribitur, nondum videre contigit.

ALBERTI Magni Ord. Præd. Episcopi Ratisbonensis de lapidibus. *Ex codice Regio 236.* in quo Hermetis Alchymia, Geberi de secretis naturæ, Razis lumen luminum, & alia plurima opuscula Alchymistica.

S. ALCIMI Ecdicij Auiti Viennensis Archiepiscopi opera Poëtica nondum edita in Leuiticum, Numeros, Deuteronomium & libros Iosue ac Iudicum, proferemus in lucem. *Ex Apographis mss.* eo præsertim, quod Theodori Pulmanni manu descriptum, sibi que ab Abrahamo Ortelio donatum miserat huc aliàs R. P. Andreas Schottus Soc. nostræ Presbyter.

S. ALTHELMI seu Aldelmi Prisci Occidentalium Saxonum Episcopi Monosticha atque Ænigmata Moguntia anno 1601 edita studio & opera R. P. Martini Delrio, nunc verò emendata collatione *mss. codicum* ac compluribus versibus aucta & locupletata cum alijs eiusdem Poëmatis, Bibliothecam nostram Poëticam non exiguo afficient ornamento.

AUDRADI Modici ad Hincmarum Remensem Archiepiscopum de Fonte vitæ liber, cuius fit mentio in eiusdem Audradi visionibus pag. 390. Tomi II. Scriptorum Historiæ Franciæ, vbi Introductor capite XVIII. *Hic est Fons, &c.*

P. B. de Amoribus Speculum Sacerdotum Heroicis versibus conscriptum anno 1312. *Ex codice Naudeano.* Incipit.

Ecclesie sanctæ regimen qui ducere sanctè

vis, hæc metra lege, de sacrâ condita lege.

Quæ si perlegere bene vis, & corde tenere,

Actu & complere, poteris bona semper habere, &c. Desinit.

Explicit hoc speculum doctrinæ Presbyterorum:

P. B. composuit, qui fert cognomen Amorum,

Anno milleno, centum ter, bis quoque seno.

*sunt hæc coniuncta speculo tria millia metra,
Istis adiuncta duo sunt & septuaginta.*

M. BERNARDI Siluestris Cosmographus. *Ex codice Regio 954.* ubi & eiusdem Microcosmus, Formula honestæ vitæ, & quædam Grammatica ordine Alphabetico. Eadem Cosmographia descripta habetur *in codice membranaceo R. P. Hieronymi Vignerij Orat. D. N. I. C. Presbyteri.*

BERNARDI Morlanensis Monachi ad Petrum Abbatem libri tres de contemptu mundi versibus Dactylicis quorum bini in rythmum desinunt. *Ex Editionibus Bremensi 1597. & Lunaburgensi 1640.*

COMMODIANI Institutiones per litteras versuum primas, sic enim se habet titulus *in codice nostro mss.* quas pronuper Tulli Leucorum edidit cum eruditissimis notis V. C. Nicolaus Rigaltius, corpori nostro Poëtico illigabimus.

DRACONTII nonnulla carmina, nisi fortè mentitur inscriptio, ijs superaddemus, quæ pridem emisit in publicum cum nonnullis alijs Eugenij Toletani, &c. R. P. Iacobus Sirmondus.

ENGELMODI Episcopi Elegia. *Ex mss. exemplari collato cum codice Puteana Bibliotheca.*

FLORI Magistri Lugdunensis Ecclesiæ Subdiaconi (quem sanctum & nominatissimum vocat VVandelbertus Prumiensis Monachus in Præfatione Metrici Martyrologij) carmen Hexametrum, siue oratio cum commemoratione antiquorum Miraculorum Christi Domini nostri, ut ferebat *codex 791 Bibliothecæ Petavianæ, incipit.*

*O Virtus aterna Dei, quam machina mundi
suscipit Auctorem, cui seruit terra polusque,*

Quod distichon identidem recurrit instar versuum intercalarium.

Eiusdem ad Modoinum Episcopum Augustodunensem versus Elegiaci numero 40. quibus gratias agit pro veste & linteo manutergio, quæ cum eius epistola acceperat. Adiungemus titulum Altaris Lugduni & in corporali pallula, & si quæ alia reperiri poterunt. Morellus quædam ex ijs edidit post Marij Victoris carmen in Genesim multis deformata mendis quæ eluemus.

FRANCISCI Spinolæ Siculi Poëmata *Ex codice Regio 1279.*

FVLBERTI Carnotensis Episcopi de virtutibus, & sententiæ Antiquorum de summo bono Rhythmo Trochaico, necnon versus de Pace *ex mss. Vaticano*, in quo Sidonij Epistolæ eiusdemque Fulberti, qui propterea eorum auctor quibusdam existimatus est. Eidem tribuuntur & nonnulli versus de libra & partibus eius, de vacia & partibus eius, de scripulo & partibus eius.

GIBVINI Lingonensis Episcopi Rhythmus de Paradiso. *Ex codice mss. R. P. Hieronymi Vignerij.*

GODEFRIDI Remensis carminum siue Epistolarum liber versibus Elegiacis: 1. ad Ingelramnum Archidiaconum de Moribus. 2. Somnium de Odone Aurelianensi 3. ad Virginem quamdam. Accedent eiusdem versus Hexametri Leonini ad Lingonensem Episcopum seu Calliopes & Poëta colloquium. *Ex eodem codice.*

GOTESCALCI Miserabilis Monachi Orbacensis versus longè plures editis *ex membranis veteribus calamo exaratis* breui publicabuntur à viro perquam erudito, quos, si tanti sint, in nostrum quoque corpus inferemus, cum alijs eiusdem ætatis atque elegantia Poëmatis.

M. GVALFREDI carmen de quinque partibus Rhetoricæ facultatis, Inuentione, Dispositione, Elocutione, Memoria & Pronunciatione. *Ex codice Naudæano.*

GISLEBERTI Aureæ Vallis Abbatis O. Cist. versus in sanctissimam Eucharistiam addi poterant *ex Petauiano indice* cum centonibus de pœnitentia ex Diacontio, oratione ad Christum versibus Adonicis, de Missa significationibus Elegiaco carmine, Præceptis Moralibus Heroico, & pluribus alijs.

HERICI siue Errici Monachi S. Germani Autisiodorensis libri sex de vita eiusdem beatissimi Episcopi editi sunt anno 1540. in 8. apud Simonem Colinaum cum aliquot nãuis, quos Deo dante auferemus.

HILDEBERTI Cenomanensis primùm Episcopi tum Turonensis Metropolitana, pauca hactenus edita sunt carmina in Bibliotheca SS. Patrum, aliisque locis: Nos *ex codicibus Regijs 1576. 1815. 2267. Vigneriano iam sapius laudato, ex Victorinis, aliisque* proferemus in lucem: Versus ad B. Virginem, de Theophilo Christum negante, de Hildesonso Episcopo Toletano, de anima, de Crystallo, de instabilitate mulierum, de infortunio siue exilio suo, de Sacramentis, de Zozima Anachoreta & Maria Ægyptiaca, ac similia quamplurima, de quibus enucleatiùs suo loco. Interim monere iuuat præter ea quæ de Missa eiusque partibus ad hanc usque diem vulgata sunt, longè plura reperiri *in codice Vigneriano*, quorum hîc lemmata adscribemus in gratiam piorum Lectorum, ac Christianos ritus eo, quo par est, amore, studioque prosequentium.

Quomodo intelligi & impleri possit quod Dominus dicit, Hoc quotiescumque feceritis, in mei memoriam facietis.

Cur panis & vinum in Sacramento Corporis & Sanguinis Do-

mini offeratur, & cura aqua admisceatur.

Cur tres Missæ celebrentur in natali Domini.

Quia vera eademque caro sit, quæ nunc in altari consecratur cum illa, quæ de Virgine nata & in cruce creditur passa.

Quod mundo fame verbi periclitanti Christus panis Angelorum venerit.

Quod non alius præter Christum pro peccato Adæ satisfacere poterat, & cum secundum utramque naturam immortalis esset sponte pro nobis mortuus est.

Quod Agnus immolatus in lege assus & à populo Israëlitico comestus typum Christi gessit; succedente verò gratia, & vero sacrificio apparente legales ceremoniæ cessauerunt.

Quod integer diuersis immolatus locis perseverat agnoscitur, & à populo fidelium in escam sumitur.

Quod caro Christi non in merito efficitur consecrantis; sed in verbo Creatoris, & quod non à bono maius, nec à malo minus percipitur.

Quod Sacerdos dum ad altare stat, Christi similitudinem gerit, Christumque offert, ipse quoque Christus & Crucifixus dicitur.

Quod solus Omnipotens sanctificator & administrator sit sacrificij; Presbyter verò tantum minister, quodque eodem verbo caro sit in altari, quo creata est in utero sanctissimo Virginali.

Quod cælestium vasorum figulus potens est modicam panis portionem in melius, hoc est, in carnis suæ gloriam mutare, qui humanitatis nostræ testam assumptam igne passionis suæ decoctam de morte potuit ad vitam reformare.

Quod idcirco vinum cum pane in sacrificio offertur, quia nec caro sine sanguine, nec sanguis sine carne communicatur.

Profunda secretorum cælestium Dominus idcirco occultari voluit ut & perfidis celaretur, & fidelibus meritum de virtute fidei cessaret.

Aqua pariter sanguini admiscetur, quia utrumque simul in Cruce de latere Salvatoris emanavit, sanguis videlicet Redemptoris & vnda Baptismatis per quam figuratur.

In consecratione Dominici Calicis aquam vino mixtam non legimus, sed ut in hoc Sacramento nihil deesset, ad commemorationem Passionis Dominicæ Apostoli postmodum fieri decreverunt.

Quod licet vinum & aqua ante consecrationem typicè misceantur, post non nisi sanguis bibitur, quia aqua in sanguinem vertitur, ut populus, qui per illam figuratur, in melius transmutatum

tum se esse intelligat.

Quod huius Sacramenti perceptione & salutifera Crucis virtute paradifus homin: referatur & diabolus superatur.

Quod ante legem & in lege Patribus sanctis regni ianua clausa fuerat, post datam verò gratiam Latroni pœnitenti & pœnitentibus peccatoribus nunc pateat.

Quod Christus verus sit Moyses qui nobis de seruitute diaboli ereptis Agnus Paschalis immolatus est, quique per huius mundi desertum ad regnum promissum nos introducit.

Quod Dominus noster IESVS-CHRISTVS ipse sit granum frumenti quod cadens in terra mortuum & resurgendo in sementem vitæ multiplicatum sit: de cuius grano multa fidelium grana sunt orta, quæ cum illo vnâ vitæ partem in Ecclesia efficiunt.

Ne quisquam membrum diaboli factus ad Corpus Christi more Iudæ accedere præsumat, quem non tam prioris culpæ conscientia damnauit, quàm quod adhuc peccator & immundus ad mensam sacram præsumptuose accedere non formidauit.

Nulli fidelium ignorare licet Dominici Corporis & Sanguinis Sacramentum, quod in Ecclesia quotidie celebratur, ne fortè ex eo quod ignorat ad illud percipiendum censeatur indignus.

Sacramenta Dominica Presbyterum quemque scire decet quibus subiectum sibi populum erudiat & informet ad fidem, sine quibus sacerdotio fungi dignè non poterit.

Sacerdos post Christi vestigia gradiens, verbûmque vitæ populo adnuntians, & Christus Domini & ipsius Angelus dicitur, dumque proximum ad agnitionem Dei amorméque cælestium inflammat, Seraphinam sortitur dignitatem.

Quod idem sit carbo lucens qui & Seraphim: nam dum in Ecclesia Rectores sancti populum Dei tenebris extinctum verbo salutis & exemplo bonæ actionis ad superna reaccendant, profecto meritis succedentes perhibentur.

Quod terribile sit valde ad Sacramentum altaris indignè accedere, vbi Rex Angelorum hominûmque ipse summus Sacerdos & Pontifex Christus seipsum singulis in escam vitæ aut mortis porrigit, singulorum merita discernit.

Quod pro diuersitate meritorum Christus in Ecclesia agnus & hœdus vt in lege præsignatum est, immolatur, vt sicut Hieronymus ait, carnibus agni perfectiores, peccatores verò & pœnitentiam agentes hœdo pascantur.

Quod Sacerdos & quisque fidelium capiti suo, quod est Christus, conformari debet, eumque ad cælos sequi spiritualiter,

Q

&c. *Vr̄im è diuerticulo redeamus in viam.*

HIERONYMI Venturelli Forosempronienſis Gallus Gallina-
ceus ad Antonium Gallum Vrbinatem, poem̄a 400. verſuum
ſatis elegans & venuſtum cum Præfatione. *Ex Bibliotheca V. C. Ga-
briels Naudæi.*

HUGBALDI Monachi Elnonenſis cœnobij Ordinis ſancti Bene-
dicti Ecloga ſeu poem̄ation 136. verſum de laude Caluorum
Carolo Caluo Francorum Regi atque Imperatori dicatum, in
quo omnia verba ab vna littera C. incipiunt hoc initio:

Carmina clarifone caluis cantate Camæna. Ex editione Baſilienſi.

HUGONIS Lingonenſis Epifcopi paſſio ſancti Victoris Martyris.
Ex codice Regio 1831.

IACOBI Caietani de Stephanifchis ſancti Georgij ad velum au-
reum Cardinalis opus profometricum tribus millibus verſuum
conſtans de vita & rebus geſtis S. Petri de Murrone Cæleſtini
Papæ v. & coronatione Bonifacij viii. eius ſucceſſoris, in tres
partes diſtinctum, &c. abſolutum Valentia Segolaunorum ad
Rhodanum poſt obitum Clementis Papæ v. *Ex codice Naudæano 6.*

IOANNIS Semur Ordinis Minorum verſus & Kalendarium. *Ex Bi-
bliotheca Petriana.*

IACOBI Comitis Iulij Veronenſis qui viuebat tempore Sabel-
lici & Polſtiani Epigrammatum liber. *Ex codice membraneo Bi-
bliotheca Naudæana* in qua etiam habetur Alberici de Roſate I C.
Apparatus ſiue commentarius in Comœdiam Dantis Aligerij
Poëta, qua diuiditur in tres partes, cum Cæleſtini Papæ Paraphraſi
Metrica in hymnum Salue Regina, Bernardi Rythmo de dile-
ctione Dei, & alijs nonnullis.

LAVRENTII Dunelmenniſis Monachi de Veteri & Nouo Testa-
mento Hypognoſticon. *Ex codice Thuano 428.*

LEONII Preſbyteri Pariſienſis Hiftoriarum Veteris Testamen-
ti libri duodecim Heroico carmine, cum aliquot eiufdem Poe-
matijs. *Ex mſſ. exemplari collato cum alijs codicibus, qui in Pariſien-
ſibus Bibliothecis poterunt inueniri.*

MATTHÆI Vindocinenſis Abbatis Tobias metricatus. *Ex co-
dicibus Puteano, Thuano 525. aliſque.*

MARBODI Rhedonenſis in Armorica Epifcopi carmina quam-
plurima cum aliquot epiftolis edita ſunt anno 1524. Rhedonijs,
formis parum elegantibus. Eorum nonnulla continet *codex vi-
gnerianus ſæpe iam ſupra laudatus, qua cum vulgatis conferre licebit.*

NICOLAI Bonaiuli Florentini carmen Heroicum libris quatuor
in figura Paradifi de quatuor virtutibus Cardinalibus. Item de

figura sancti sepulchri libri sex. Carmen sanctæ Basilicæ libri sex, de sancta Hierusalem libri 12. eiusdemque epistolæ & alia carmina. *In mss. codd. Basil. s. P. inter spiritualia colloquia num. 5. 6. 7. 8.* Ibidem quoque num. 13. fuisse dicuntur Carmina Maximiani super senectute, Regula Metrica, carmen de Virtute & Invidia, Ira & Patientia atque Avaritia: item Carmen ERVGPTI.

NICOLAI Monachi versus de Abbatibus in ouile Christi aliunde ascendentibus, & inuectiua in Abbatem Cadomensem. *Ex mss. R. P. H. Vignerij.*

ODONIS Aurelianensis Episcopi versus *ex eodem codice.*

DIVI ORIENTII Christiana Monita, seu Christianæ vitæ, in Bibliotheca Galejana reperta *ex apographo V. C. mihiq; amicissimi Jacobi Grotij*, quod conferemus cum Commonitorio Salmanticæ anno 1599. è membranæ Aquicinctinis edito, notisque illustrato opera R. P. Antonij Delrio Soc. Iesu Presbyteri, qui Orientium Illiberitanum Episcopum appellat.

V. C. PAVLINI Junioris Burdigalensis Eucharisticon versibus Elegiacis, & Paulini alterius Petracorij (*In mss. codice sancti Germani de Pratis num. 481. dicitur Paulinus Petricorix*) libri sex de vita sancti Martini, aliâque carmina falsò iam olim tributa sancto Paulino Nolanæ Urbis Antistiti. Nunc verò ope mss. codicum ab innumerabilibus mendis purgata. *Ex apographo & recensione R. P. Jacobi Sirmondi.*

RADVLFI De Praellis Consiliarij & Magistri Hospitiorum Caroli V. & Caroli VI. Musa siue Satyra prolaica in vitia sui temporis. *Ex membranæ V. C. Gabrielis Naudæi.*

RENATI Monachi Vindocinensis carmen *in codice 1069. 11. Parisiæ Bibliothecæ Regiæ.*

Bibliotheca Petri Rigæ, siue de Riga, Rhemensis Ecclesiæ Clerici, quæ etiam Aurora seu Biblia dicitur, versibus Elegiacis conscripta, & allegoricè exposita. *Ex codd. 17. & 18. Bibliothecæ V. C. Gabrielis Naudæi.* Nec desunt apographa Expositionum eiusdem auctoris in sacram Scripturam *ex codicibus, ni fallor, Bibliothecæ Canonorum Regularium s. victoris ad urbem:* Vidi etiam Paraphrasim metricam Incerti Auctoris in libros Iosue, Iudith, atque Esther, Elegiaco carmine, *ex Bibliothecæ Collegij Musipontani Soc. Iesu codice mss. descriptam manu R. P. Frontonis Ducæi eiusdem Societatis Theologi.*

M. ROBERTI Blondelli de Normannia Desolatio Franciæ, dum Rex detinebatur ab Anglis. *Ex codice 935. 11. Parisiæ Bibliothecæ Regiæ.*

M. SERLONIS versus aliquot de instabilitate Mundi. *Ex codice S. Maria Remensis.*

THEODVLI Ecloga siue libellus, in quo interloquuntur Alithia & Pseuffis iudice Phronesi, editus quidem fuit Francofurti in 8. anno 1618. pag. 22. & seqq. Manualis Biblici, siue Enchiridij sancta Scriptura, sed adeò deformis præ nostro apographo, vt iterum prodire, ac rugas nauosque ponere vehementer efflagitet.

Versus Platonis à quodam Tiberiano, siue Tiberio, de Græco in Latinum translati. *Ex codice Tiliano.*

TULLII cuiusdam Ænigmata LXIII. Hexasticha propemodum omnia. *Ex codice mss. in quo Sedulij Paschale opus, Commodiani Institutiones, & alia pleraque.*

VANDELBERTI Prumiensis Monachi Martyrologium metricum, cum V. Bedæ operibus editum, pluribus in locis magna accurate emendatum, suoque nitore restitutum dabimus.

VARNERII ad Robertum versus. *Ex codice Thuano 315.*

VENANTII Fortunati, Episcopi, vt creditur, Pictauiensis, Poëmata varia, aliæque opuscula *excollatione plurimorum mss. atque adeò vnius nostri omnium optimi codicis*, in alteram pene formam conuersa, ac perpurgata, visum fuerat huiusce nostris antiquis Lectionibus inferere. Verum aliud forte suadebit prolixitas operis adiuncto ad doctissimas R. P. Christophori Broueri notationes nostro quoque spicilegio,

VRBANI II. Papæ & Clementis Antipapæ altercatio. *Ex codice Vigneriano.*

PARS ALTERA

Versus nulli addictos auctori complectitur.

Tetrasticha in præcipua quæque capita Veteris ac noui Testamenti, à Genesi vsque ad Apocalypsim. *Extant in codice mss. cum Commodiani institutionibus.* Eadem videntur cum Prudentij Amœni Diptycho seu titulis Historiarum Veteris ac Noui Testamenti quæ cum Isonis Magistri Glossis edita sunt Francofurti anno 1610. in Manuali Biblico, siue Enchiridio sacra Scriptura, sed emendatiora. Addeamus Rustici quoque Helpidij V. C. Ex illustribus & Exquæstoris Picturas Historiarum Veteris ac Noui Testamenti Tristichis Hexametris, explanatas. Necnon VValafridi Strabi Abbatis Augiensis versus ad Picturas noui Testamenti, & Anonymi Compendium Doctrinae Euangelicæ.

Carmina

Carmina in Basilicas sanctæ Mariæ & sanctorum xii. Apostolorum. *Ex eodem codice mss. cuius facta est mentio.*

Laus Domnæ Eunomiæ sacre Virginis. *Ex eodem codice.*

Vita sancti Albani Martyris. *Ex codice Puteano.*

S. DIONYSII & sociorum eius gesta metris Rhythmicis. *Ex codice Regio 1576.*

Epigramma in calc emss. libri de vita Excellentium Imperatorum, cui titulus, V. C. Aimilij Probi de excellentibus Ducibus exterarum gentium liber ad Atticum.

In laudem sancti Hieronymi versus, in fine eius operum in *Bibliotheca Vaticana.*

Poëma in laudem Origenis. *Ex codice Regio 55. optima nota, in quo Homilia eiusdem Latine redditæ in Genesim, Exodum, Leuiticum, libros Iudicum, Cantica Cantorum, & Hieremiam.*

De Gestis Petri de Francia Borbonij Ducis carmina. *Ex codice 191. II. Partis Bibliotheca Regia.*

Relatio de Mahomete. *Ex mss. Puteano. In saepe citato codice Vigneriano habetur versibus Elegiacis Leoninis descripta vita Mahometis ac Nicolai Apostata.*

Epitaphium Cæsaris, nescio cuius, qui in codice Vigneriano dicitur Iulius. Terrasticho auctius habetur in libro Canonum Synodorum Gallicanarum, qui fuit olim sancti Petri Beluacensis, nunc verò visitur in Vaticana, datus à Cardinale Ferrariensi.

Ex antiquo similiter codice Belli Hierosolymitani seruatam reperi Epitaphium Godefridi Regis versibus Leoninis.

Epitaphium Ioannis Bezuensis Monachi. *Ex codice mss. Bibliotheca Regia, in quo Chronicon Bezuensis Abbatia.*

Veteris ac noui Testamenti Historia, siue sacra Biblia versibus expressa. *Ex codic. Regiis. 258. 1113. 1133. 1465. 1501. 1611. 2265. 2269. aliisque, quos per otium expendemus.*

Anonymi in quatuor libros Regum quatuor libri carmine Elegiaco. *Ex apographo mss.*

Ordo legendorum librorum in Ecclesiâ & Refectorio. *Ex codice mss. Monasterij S. Crucis Parisiensis.*

Poëmata quædam Christiana *ex codice Puteano, & Epigrammata Theologica ex Regio 1994.*

Versus de conuenientia Incarnationis. *Ex codice sancti Victoris.*

Oratio ad Christum in calce Martyrologij mss. Adonis Archiepiscopi Viennensis, & Carmen elegiacum de Natiuitate Christi. *Ex mss. codice.*

De aterna Filij & Hominis cum Deo Patre cooperatione. *Ex exemplari mss.*

R

De Virtutibus Boni Pastoris Hymnus versibus Trochaicis. *Ex veteribus schedis.*

De sapientia & septem artibus. *Ex mss. exemplari*, quo usus est R. P. Iacobus Sirmondus, qui edidit in notis ad Theodulfum Aurelianensem Episcopum.

De nuptijs Mercurij & Philologiae versibus Leoninis, ut vocantur *Ex codice Vigneriano*, in quo de Excidio Troiae & Aeneidos Virgiliana summa, Fabula sat longa de lupo & Opilione, Aenigmata varia, & plura alia eiusdem generis.

Aesopi fabulae versibus Elegiacis. *Ex codice Regio 893.* An eadem sint cum ijs, quae habentur in citato codice Vigneriano, & inscribuntur, Liber Hifopi, nondum inquisiuimus. Incipiunt.

Ut innet, ut proferat conatur pagina praesens,

Dulcius arident serua picta iocis, &c.

Conflictus Veris & Hyemis iudice Palamone. *Ex codice Regio 1089.*

Anonymi ad Messium quemdam Tristicha LXVII. de Figuris & Schematibus Rhetoricis. *Ex mss. exemplari.*

Kalendarium Ecclesiasticum, Carmen de anno & mensibus, & Computus versibus. *Ex codicibus Puteana Bibliotheca.* Extat etiam in codice Naudaano Veteris Romani Kalendarij explicatio per virum pietate & litteris ornatissimum P. Bernardinum anno salutis 1579.

Algorismus metricus. *Ex codice Thuano 605.*

Versus de diebus Aegyptiacis. *Ex codice Thuano 615.*

Anonymi de ponderibus & mensuris. *Ex codice Regio 1340.*

De vniuersa medicina libri quinque scripti Carmine Hexametro & in capita diuisi ante trecentos aut quadringentos annos. Incipit primus.

Principio rerum cum conditor orbis adiret

Humani generis primos plasmare parentes.

Desinit vero in hunc versum.

Omnibus ergo vale dicens in pace recede. *Ex codice Bibliotheca Naudaana.*

In eadem Bibliotheca P. C. Gabriels Naudai seruantur complures alij Poetae, quorum hic indicem ac nomina veluti per saturam describere ac coronidi nostrae superimponere extra ordinem coacti sumus, quod cum in manus nostras notitiamque primum venere, Elementarius Poetarum Catalogus ex Typographico prelo libere uolarat.

PETRI Brocardi Cancellarij ad Serenissimum Principem D. Federicum Gonzagam Dei gratia Mantuae Marchionem ac Ducem

inuietissimum Dominum suum de bello, strage, & obitu Caroli Burgundiæ Ducis libri duo versibus Heroicis exarati, & ex autographo descripti.

NICOLAI de Valle inuectiua versibus Elegiacis fermè sexcentis ad Pædagogum de Græcis litteris detrahentem cum Præfatione ad Franciscum Patricium. Huius Vallæ Iliada Homerica Latino carmine Hexametro redditam curauit Iacobus Faber Stapulensis Româ aduehi, & typis Ascensianis describi Parisijs in quarto, anno 1510.

FRANCISCI Petrarchæ Epigrammata sexdecim totidem Romanis Ducibus celebrandis destinata, quæ inter eius edita carmina non habentur. Extat in eodem codice Hymnus ad Iesum, varijs vocibus Græcis & Hebraicis mixtus cum Testamento Sempronij Tucidani seu Tuditani litteris maiusculis. exarato & antiqua ad Imperatorem supplicatione.

BONIFACII Veronei Principis, qui ante ducentos uiuebat annos, Veronica Heroico Poëmate mille versuum celebrata. Incipit.

Cælestes aditus & diui numina vultus, &c.

HOMERI Batrachomyomachia carmine Latino Hexametro reddita per Carolum Aretinum ad Mareasium Siculum.

ANTONII Lepidi Vestini Iulia-Noua diuo Andrea Matthæo Aquauiuo, Marchioni Bitunti, Conuersani & Iulia Comiti, Terami atque Hadriæ Ducis illustri, poëma octingentorum versuum optima notæ, quod incipit:

Nunc canere Aonio furor est noua mœnia cantu:

Nunc amor ordini muris sublimibus urbem, &c. Desinit verò:

Quod precor, & precibus Vatis Deus annuat equis.

CAROLI Aretini Elegia pro obitu Leonardi Aretini viri doctissimi ad B... Iurisconsultissimum.

Alfonsinus de moribus & vita hominum per Reuerendissimum sacrae Theologiæ Doctorem Magistrum Michaëlem de Striuero Panormitam. Fabulae sunt quindecim ad insinuandos mores honestos excogitatae in codice membranaceo ante ducentos annos exarato.

Panegyricus Heroïco carmine dictus Ioanni Langiaco Aruerni Episcopo Abrincensi, &c. Regio Legato, à Marco Aurelio Arbano Iurisconsulto, Venetijs anno 1529. Incipit

Phæbe salutiferi proles diuina Tonantis, &c.

NALDI de Naldis Florentini Bucolica ad Laurentium Medicem, eiusdemque varia carmina.

Æsopi fabulæ carminæ reddita, Faceti disticha de moribus.

Pamphilus de amore versu Hexametro in membranis.

Historia Alexandri Regis à Magistro Qualichino, (aliàs Aretino) metricè edita, incipit:

Stellarum curis Ægyptus dedita quondam, &c.

Continet multa millia versuum in membranis & desinit:

Historiam dictam dictavit carmine quidam,

Qui Qualichinus nomine dictus erat.

Post natum Christum sunt anni mille ducenti,

Terque duodeni, quando fit istud opus, &c.

Habetur quoque eiusdem Alexandri Magni Historia meris fabulis referta scripta anno 1217. exscripta verò anno 1465. Eadem quoque antiquiori caractere in membranis figuris etiam additis in quarto.

Macharonis Forza acta Matelica Ludis Panzigonfij, poëma Macaronicum Roma mira omnium approbatione editum.

Anonymi Dialogus, an rectè versus monosyllabis verbis claudatur, & quibusnam, aduersus Thomam Corraam, qui Bononiæ ante quinquaginta annos libros de Eloquentia, Elegia & Epigrammate scribebat.

Ruffini Bini Assisiatis dissertatio, qua Propertium Assisiatem fuisse aduersus Meuanates probatur.

Anonymi commentarius in Bucolica Virgilij. Angelus Scarponus anno 1455. librum hunc Viterbij describebat.

Nicolai Treuereth Ordinis Prædicatorum, qui viuebat anno 1360. commentarij in Tragædias Seneca.

Cantalycij ad præstantissimum Præsulem Franciscum Mariam Episcopum Viterbiensem Commētarij in Satyras Persianas. Scribebat hîc magna nominis celebritate circa annum 1472. Extat quoque ibidem Anonymi commentarius in Persium.

Omitto Iuuenalis Satyras omnes in membranis, Terentij Afri Comædias ductu litterarum continuo scriptas in codice antiquo membranaceo, Sallustii Historiam, Iustini 44. voluminum Trogi Pompei Abbreviatoris libros scriptos. Reate anno 1433. & similia, quòd consilij non sit in librorum iam editorum & in omnium manibus atque officinis prostantium codices mss. sollertiùs inquirere, nisi si quid à vulgatis diuersum, aut singulari aliqua commendatione dignum forte fortuna in illis occurrerit.

FINIS.

Ex Tipographia IOANNIS HENAVLT.